

石

匱

書

石匱書卷第七

明 蜀人張岱著

景帝本紀

景帝 宣宗次子也 正統元年封郕王十四年八月  
十五兵敗土木 英宗北狩十七日報至京師大震  
皇太后召百官集闕下命郕王監國二十日皇太后  
詔立 英宗長子見深為皇太子時年二齡仍命郕  
王代攝國政六部及科道官交章劾王振擅權誤國

傾危宗社宜正刑滅族以慰人心因慟哭聲徹中外  
錦衣衛指揮馬順逆旁叱各官去給事中王竑憤起  
摔馬順首曰此振黨也衆爭毆之立斃復索振所親  
信長隨二人亦毆殺之都御史陳鑑隨奉令旨籍振  
家并其黨執振侄指揮王山至反接跪於庭衆共唾  
罵之是時諠譁雜亂無復朝儀文武大臣皆驚避王  
亦疑懼屢起兵部侍郎于謙直前扶掖請降令旨馬  
順罪惡應死勿論與百官各歸蒞事皆拜謝而出棄

三殿東安門外道上軍民爭擊之衛士提水滌血廷  
中儀銘曰無其影可以鑑明日移王座入奉天門左  
受朝命籍王振家磔其佐王山於市族屬無少長皆  
斬皇太后命以下謙為兵部尚書二十三日虜擁

上至大同城下索金幣許歸駕都督郭登閉門不納  
廣寧伯劉安等括公私金銀共萬餘兩出迎駕既獻  
虜笑不應復擁駕去二十九日皇太后遣太監金瑛  
傳旨皇太子勿冲未能踐祚邸王年長宜早正大位

於是文武百官交章勸進九月六日癸未郊王即皇  
帝位遂尊 帝為太上皇帝大赦天下詔以明年為  
景泰元年御史索著上疏爭之疏曰啓稱 帝曰殿  
下自稱曰下官 帝曰御史醉邪著對曰下官正言  
帝誅之癸巳也先遣使欲送 上還京師答以金幣  
數日再遣使至書辭悻慢兵部尚書于謙見 帝泣  
曰虜酋不道氣滿志驕將有長驅深入之勢宜練軍  
士造戰器開支倉糧為預備計 帝嘉納施行之擢

邠府官屬長史儀銘等驟列顯官起楊洪於詔獄仍  
鎮守宣府于謙請釋武清伯石亨於獄使總京師兵  
馬戴罪立功十月朔也先以送 上皇還京為名與  
可汗脫：不花入寇紫荊關京師戒嚴人情洶、太  
監金瑛召廷臣問計侍講徐理以占象倡言南遷瑛  
叱之明日于謙上疏抗言京師天下根本宗廟社稷  
陵寢咸在百官萬姓繫歲倉儲咸在若一動則大勢  
盡夫宗南渡之事可鑒也瑛是謙言宣言於衆曰死

則君臣同死有以遷都為言者 上命誅之乃出榜  
曉諭衆心稍定時城外壩上等處倉場草束豈料積  
有數百萬千謙聞虜臨關急分遣縱火焚之一面奏  
聞初九日虜長驅至京城西北關外都察院歷事舉  
人練綱再上勤王急務疏授浙江道御史命石亨軍  
城北下謙督之孫鏜軍城西侍郎江淵督之皆背城  
而陣以交趾舊將王道為都督與都史楊善守城時  
衆論戰守不一主將石亨欲盡閉九門堅壁以避賊

鋒謙言不可請率先士卒躬擐甲胄出營德勝門以  
示必死涕泣以忠義諭三軍人：感奮虜四散抄掠  
石耳與送平彪等持巨斧突入虜陣所向輒靡管神  
拱嘗都督范廣以飛鎗火箭殺傷甚衆虜知我有備  
少沮喜寧族也先遣使索大臣出迎駕衆知其詐以  
通政司叅議王復為禮部侍郎中書舍人趙宗為鴻  
臚寺卿使虜營朝上皇於土城也先謂爾等小官  
可令胡浹王直于謙石耳楊善等來辭燂上皇諭



曰彼無善意爾二人宜急去二人歸虜復悉力攻城  
聲報甚急既而宣府遼東兵至軍督補振干謙令石  
亨等乘虜移駕就高敞地俟駕漸遠舉火砲擊虜營  
死者萬餘人也先大沮復以 上皇北去脫：不花  
聞之亦北遁脫：不花遣使來獻馬議和朝廷却之  
胡濙王直言脫：不花與也先君臣不睦宜受其獻  
以間之遂其言縱兵揚洪孫鏗范廣等率兵擊虜於  
涿州紮荆等處逃至固安大捷改戶部尚書周忱為

工部尚書仍巡撫南直隸時糧石報運不繼忱添撥  
民運數百萬石永遠軍器數萬件軍需賴以不缺十  
一月以虜寇解嚴降詔撫安天下楊洪等班師論功  
封楊洪昌平侯石亨進武清侯加千謫少保總督軍  
務時大臣有奏留邊將守京師者兵科給事中葉盛  
上言今日之事邊關為急宜急遣洪等固守宣府居  
庸逆之命寧陽侯陳懋尚書金濂等討福建盜執鄭  
伯孫誅之八閩平命都督同知董興總諸道兵討廣

東盜黃蕭養虜寇遼東提督都御史王翱等嚴兵禦  
之虜遁去十二月虜寇甘州提督軍務都御史馬昂  
驅人畜悉入城僅簡銳選騎射躬探甲冑出七山隘  
以伺之虜聞遁去尊孫太后為上聖皇太后尊生母  
吳氏為皇太后冊妃汪氏為寧后上皇宮嬪周氏為  
貴妃追封英國公張輔為定興王謚忠烈

景泰元年正月朔 帝受朝免賀初七日 上皇書  
至索大臣來迎廷臣奏請遣官使北迨冬衣有旨能

識 太上皇者行原臣具謝罪事遂寢閏正月開經  
建命副都御史軒輓鎮守浙江兼理鹽課都督汪全  
恃威吮餼縱家人奪民田御史朱英等劾之有旨責  
全歸田於民北虜入朔州大同總兵郭登敗之詔封  
登定襄伯是役也登以八百騎破虜數千由虜入寇  
以來此為戰功第一侍謀剗定之上言十事皆切時  
務 帝嘉納之以邊圉事殺今天下生員納粟上馬  
者許入監限一十人止其上選事例與歲貢同贖前

侍講劉球為翰林學士謹忠愍四月叛監喜軍伏誅  
都督董興等大破廣州賊黃蕭養誅之餘黨悉平大  
同參將許貴言虜請和乞答使緩兵：部尚書于謙  
言中國與寇虜有不共戴天之仇和則背君父而違  
大義此理不可和虜貪而多詐和議既行彼有無厭  
之求逆之則不可違之則速變此勢不可和移文詰  
責許貴五月廣州賊陶得二寇武義縣浙江按察副  
使陶成禁之戰死尚書于謙請立京營團操法戮左

都督楊俊土木之變俊棄城逃歸今始正法六月北虜遣使請和禮部尚書胡濙等會奏虜使迎復常遣明日帝御文華殿召羣臣諭曰朝廷目通知壞事欲與虜絕而卿等累以為言何也吏部尚書王直苦對謂上皇在虜理宜迎復必乞遣使勿使有他日之悔帝不懌曰當時大位卿等強朕居之非出朕心少保于謙對曰大位已定孰敢有議但款若使盡禮少紓邊患耳帝意始釋曰送汝送汝言已即退

羣臣出太監興安復出傳旨呼言爾等固欲答使且  
言孰可行者孰為文天祥弔弼其人邪衆未答王直  
厲聲曰豈可如此言今日羣臣皆朝廷人一惟朝廷  
用孰敢有不行者如是言之至再興安復命乃泄都  
給事中李寔為禮部左侍郎羅緝為大理寺右少卿  
充正副使以行勅書既下則惟言報禮不及迎復寔  
驚訝詰內閣白之遇興安曰汝奉黃綵幹事他  
何與高實等遂偕虜使至也先營實等朝見上皇

後因言來迎之意也先曰勅書內只說講和不說接  
駕大明皇帝語此是一個開人我還爾去千載後只  
圖個好名耳然不可輕易可令大臣來迎我即送去  
復再三言之寔等辭上皇婦也先遣右丞相克禿  
赴京時虜主脫不花普化可汗亦遣其平章皮兒  
馬黑麻來議和朝廷復遣右都御史楊善侍郎趙榮  
使虜報命李實等至京帝問也先講和之意虛寔  
如何實對曰臣入虜境虜人皆夾道謳謠沿途乳酪



勸臣飲之咸頷和好蓋因彼處人馬相繼病死又因  
離家日久和意似寔 帝曰待楊善回來再議八月  
初二日楊善等至虜營也先與善言大喜命頭目率  
五百騎送上皇入塞時朝廷以虜情多詐奉迎禮  
猶豫未決千戶龔遂榮上翰林學士高穀書言奉迎  
禮常泛厚 主上當避位懇辭而後受命乃可不然  
恐千載史書貽譏穀袖其書以示廷臣曰武夫尚知  
此禮况儒臣乎王直曰此禮失而求之野也胡濙歎

封近庶見朝野同情以感動 帝心都御史王文止  
之陳循見之恚甚請治其罪遂下遂榮錦衣獄尋會  
赦得釋十四日 上皇至懷來將抵居庸禮部會同  
諸臣議迎復儀注王文沮執廷臣相顧錯愕胡濙獨  
具儀注進呈十六日 上皇自東安門入駕至南宮  
百官隨至南城請朝見不允九月翰林學士劉鉉主  
考順天鄉試及揭曉第一人劉宣乃廬龍軍士也同  
事者欲更之鉉爭曰朝廷立賢無方不可乃止十一

月 上皇萬壽節禮部請羣臣朝賀 帝詔免朝南  
京吏部尚書魏驥進表至京以老乞骸骨許之十二  
月胡濙請明年正旦百官朝 上皇於延安門不許  
荆憲王請朝 上皇不許

二年二月命右僉都御史王竑巡撫兩淮諸郡時徐  
淮大飢民死者相枕藉竑至不待奏報大發廣運官  
儲賑之全活者二百二十九萬餘人民謠曰生我者  
父母活我者巡撫竑跡至京 帝於樓輻上閱跡驚

曰柰何百姓其飢死矣繼聞族翁賑救大言曰好御史不然飢死我百姓矣三月都御史王采擒苗苗素同烈香爐山平六月巡撫李匡破草塘賊七月王采率兵討貴州賊詔擢顏子後裔希惠益子後裔希文並授翰林世襲五經博士誠意伯劉基七世孫祿亦授是職文選郎中李賢上正本十策詔翰林繕寫置之座右陞李賢為兵部侍郎浙閩盜平巡撫南直隸工部尚書周忱乞致仕命戶部侍郎李敏代之

三年二月也先攻破葇化可汗獻捷邀我使往報  
上從言官議絕之兵部侍郎李賢奏製戰車火鎗之  
法以禦虜上從之以右僉都御史李東叅贊宣府  
軍務總督邊儲東請銀三萬兩買牛給貧民屯種四  
月命都督同知孫安鎮守獨石馬營等處以都給事  
中葉盛為山西右叅政協贊軍務五月詔立皇子見  
濟為皇太子生母杭氏為皇后廢皇后汪氏居別宮  
改封上皇長子皇太子為沂王先是帝欲易太

子恐文武大臣不從乃先賜內閣諸學士金銀陳備  
輩俱不復言會有廣西土官黃琮以報第奪嫡事露  
置獄當死琮知 帝意款易儲無人先發乃上疏請  
易太子下禮部會議給事中李侃對衆洒泣都給事  
林聰御史朱英陳不可不聽議上皇太子出就沂邸  
而見濟立於是陞賞濫及有滿朝皆太保一節而尚  
書之謬王直得所賜扣案頓足嘆曰此何等大事乃  
出一變夷手邪吾輩媿死尚書楊喬以潛邸廢人由

吳入賀僉事陳祚語之曰公此行當諫吳賀為

四年正月河決沙灣二月台大同總兵宣襄伯郭登  
還朝五月以黃琬為都督同知台至京管事前府其  
家人繫廣西獄者俱宥之十月以左諭德徐有貞為  
右僉都御史治河張林十一月皇太子見濟卒謚曰  
懷獻

五年正月積雪降驟詔求直言四月南京大理寺少  
卿廖莊應詔上言 上皇近歸南宮伏望 陛下篤

親：之恩時：朝見仍令厚臣亦時得朝參以慰  
上皇之心不報新建隆福寺成車駕擇日臨幸有司  
已夙駕除道太學生楊浩上疏諫止之又有太學生  
姚顯者疏請拆毀寺院用備倉廩不聽五月下禮部  
郎中章綸監察御史鍾同於獄時皇太子見濟陽殂  
鍾同平疏請朝 上皇復沂王為太子下禮部會議  
遣章綸疏陳修德頌災十四事其一謂 太上皇君  
臨天下十四年是天下之父也 陛下嘗受冊封是



上皇之臣也伏望時節率羣臣朝見於南宮以敦同  
氣之情以隆尊崇之禮又請復汪后於中宮以正天  
下母儀復沂王於儲宮以定天下大本疏入 帝覽  
畢大怒時已暝宮門閉乃傳旨自門隙中出命錦衣  
衛即刻逮捕入獄拷訊又二日并逮鍾同拷掠逼令  
誣引大臣并南宮道謀不服復加炮烙之刑瀆死卒  
無一語會天大風雨黃沙四塞乃宥勅錦衣衛縶其  
獄令囚禁終身六月給事中徐正密請出沂王於所

封增南城數尺代去城邊高樹宮門之鎖亦置灌鉄  
帝怒謫戎鉄嶺衛名薛璜為大理寺卿詔以齊庶人  
贖懾谷庶人贖愀移置南京七月頒君鑒錄於羣臣  
八月雲南總兵官檻送叛賊思機法至京伏誅

六年正月命太監班祐鎮守兩廣總督兩廣都御史  
馬昂征廣東龍水徠賊破平之七月命儒臣編纂宗  
元通鑑綱目八月杖南京大理寺少卿廖莊及前部  
中章給御史鍾同於午門謫莊陝西定羌驛丞同死

杖下綸禁錮詔獄十一月湖廣苗賊攻圍隆里新化  
銅鼓諸城命方瑛佩征蠻將軍印充總兵官往征之  
七年正月于謙病 帝遣太監興安舒良更番來視  
見謙自奉簡朴日以 上聞特為計所資用一切上  
方製之至輟尚膳醢醬蔬菜之屬為賜駕幸萬歲山  
伐竹為漈賜以和藥順天河間二府民飢命刑部右  
侍郎周瑄往賑之四月河沙灣堤成五月纂修寰宇  
通志書成七月命伶人李安為錦衣百戶八月欵賜

大臣子陳英王倫為舉人九月湖廣苗叛兵部尚書  
石璞討平之以治河功陞徐有貞右副都御史十二  
月巡撫江西都御史韓雍劾軍王不法并論府寮  
帝達大臣即訊刑奪王親衛罪諸官寮譴宗臣文天  
祥曰忠烈謝枋得曰文節

八年正月 帝不豫丙午閣臣商輅尚書平謙率百  
官合疏請復東宮不許壬午四鼓奪門事起 上皇  
復辟殿上鐘鼓大鳴 帝驚曰予謙邪跪聞故曰哥

哥做好居數日 上皇語近臣曰皇弟食粥可望差  
耳 帝竟崩號廢帝於郿王葬之西山妃嬪唐氏等  
俱賜紅帛自盡殉葬 憲宗十一年上尊謚曰恭定  
肅仁景皇帝改陵寢祭禮如諸陵先是正統中京師  
小兒禱雨之諺曰雨地雨地城隍土地雨若大來謝  
了土地雨御地第城隍郿王音相近也至是果驗  
石匱書曰太祖之後而功者孰不知 成祖乎德者  
孰不知 孝宗乎蓋猶有 景帝為己庚之際微

帝吾其披髮左衽矣其德如何曰在知人在安民其  
不復辟者理也易太子者勢也

又曰宗高之不欲歸其父其兄也羈之也以父在故  
羈之也議和議歲幣羈之之術也 景帝之不欲歸

其兄也棄之也以兄非父比故棄之也社稷為重者

為輕棄之之術也羈之則虜以羈應徽欽之死朔漢  
終以羈死棄之則虜亦以棄應 英宗之得歸天朝

終以棄歸何天之巧弄若此邪使 景帝較而一以

宗高之故智為之計陷出帝而又得天下之美名豈  
不兩得而天肯若是哉

石匱書卷第八

明 蜀人張 岱著

憲宗本紀

純皇帝英宗長子也母周太后生時紅光滿室其歲  
天下大禘 英宗地禘郊王監國慈壽皇太后立為  
太子方三歲郊王即位立其子見濟降封沂王 英  
宗復辟更名 上復立為皇太子 上廣額豐頤方  
面大可目睛如漆光彩射人左右莫敢仰視出開講



學敏於讀書使習騎射侍膳問安孝敬備至 英宗  
大漸召屬後事既崩羣臣勸進以正月乙亥即皇帝  
位下詔以明年為成化元年大赦天下罷鎮守內官  
及輯事官較議上兩宮徽號以李賢彭時議得並尊  
錢太后仍加上聖例加二字曰慈聖皇太后周貴妃  
止稱皇太后詔天下錦衣衛都指揮門達有罪下獄  
諸戍南丹衛台袁彬復還舊職三月復前御使楊瑄  
張鵬修撰吳正等官命甘肅總兵官宣城侯衛淦巡

撫都御史吳琛率師討西番破之復定襄伯郭登爵  
鎮守甘肅七月立皇后吳氏八月修 英宗實錄十  
月廢皇后吳氏冊立王氏為皇后詢右僉都御史葉  
盛巡撫宣府草太平侯李瑾興濟伯楊宗等辭命兵  
部以選駕奉闕冒功者俱奪級李賢請復于謙等官  
級 上是之以順義縣抄沒曹吉祥地一所撥為宮  
中莊田皇莊始此

成化元年正月詔釋戍邊陳循江淵俞士悅王文宇

宗彞子謙子冕謙增朱驥等並放還原籍仍給運家  
產冕自龍門所上疏訟父冤 帝憫之追復謙故秩  
遣行人往祭其墓復冕世祿十戶二月躬耕籍田於  
山川壇之南皇太后千秋令僧道建設齋醮禮部尚  
書姚夔欽會大臣收買楮香詣寺行禮為 太后祈  
福給事中張寧劾之不報兩廣蠻寇作亂命都督同  
知趙輔為征夷將軍韓雍為左僉都御史贊理軍務  
率兵討之三月幸太學四月聚鄠流民劉千斤等數

十萬人作亂攻劫州縣贈而廣死事副使毛吉等官  
五月修比干墓於汲四川賊趙鐸伏誅九月糞銀四  
萬賑鳳陽徐州飢初宗儒楊時於延平以羅逆彥李  
侂配十二月祀元儒劉固於宥城荆襄賊劉道石和  
尚起命撫軍伯朱慈舉征虜將軍即克總兵官工部  
尚書白圭提督軍務徃征之

二年二月重修關里孔廟成御製文紀之大學士李  
賢下父憂命傳而奔喪葬奠果亟來賢乞終制不許江

淮旱人相食命都御史林聰往賑撫之聰奏借江南

支運糧儲數十萬賑之并給穀種送之都督都轄會

都御史韓雍等討廣西蠻寇大破之而廣平封趙輔

武靖伯世襲擢韓雍左副都御史提督兩廣置武靖

州南京兵部尚書李賓奉勅賑濟南流民五月李賢

還京翰林修撰羅倫論李賢宜聽終制點為福建市

舶司副提舉禁侵損古先帝王忠臣烈士名賢後墓

八月諭祭故少保兵部尚書于謙復其子冕為府軍

前衛副千戶十月襄陽賊首剽千斤僭號於南漳命  
撫軍伯朱永尚書白圭督兵討平之班師論功永進  
封侯加圭太子少保十二月迺北瓦剌太師阿失帖  
木兒遣使入貢令順天府收養市巷疲癯殘疾於養  
濟院

三年正月賜朝鮮國王瑀曰周却旅獒朕甚慕焉王  
三致白鵲烏海青諸物獵致珍異未免勞民或生其  
咨夫王詩書禮義之國也尚忱念之三月召羅倫還

復為翰林院脩撰尋以疾辭歸貴州山都掌蠻作亂  
破四川合江諸縣命襄城伯李瑾兵部左侍郎程信  
蒞川廣雲貴苗漢兵討平之六月戊申雷震南京午  
門七月虜寇榆林孤山叅將湯胤勳力戰死之加封  
漢董仲舒廣川伯宗胡安國建寧伯蔡沈崇安伯真  
德秀浦城伯八月 英宗實錄成九月虜破開城縣  
知縣于達教死之徙縣於固原禮部尚書姚夔言光  
祿寺供應宜從元年詔例從之十月命左都御史李

秉武靖伯趙輔督兵討建州女直破之獲其酋董山等二百餘人十一月翰林編脩章懋黃仲昭檢討莊杲諫上元張燈上怒杖闕下調外任十二月始立十二團營刑部郎中彭韶勘真定民田劾外戚周或恃強侵佔忤旨下韶錦衣獄尋得釋荆門州訓導高瑤請復景泰廟號下禮部議：曰成王繼位六七年間行事具在寔錄其廟號非臣下所敢輕議左庶子黎淳獨言景泰一時君臣之失而責瑤妄言事遂寢



四年二月以水旱免高郵州秋糧六萬五百七十石  
有奇馬草九萬五百餘石陝西土達滿四反據石城  
官軍失利逮陳介任璿吳宗劉清馮傑等下獄六月  
慈懿皇太后錢氏崩命大臣議葬所大學士彭時曰  
此一定之禮無可議梓宮當合葬裕陵至當祔廟  
上御文華殿召閣臣面議 上曰慈懿太后當何如  
彭時對曰宜依正禮行庶全聖孝 上曰朕豈不知  
但與周太后有碍故令爾等議務使得宜商輅曰外

議洵：若不合葬則人心不服且於聖德有損劉定  
之曰孝子從義不從令雖聖母有言亦不可從 上  
曰合葬固是孝然失聖母心亦豈得為孝乎彭時曰  
皇上大孝當以 先帝之心為心 先帝待 慈懿  
太后始終如一今若安厝於左而虛其右以待後來  
則兩全其美矣 上頷之令百官再議僉曰時等言  
是內批猶未允時等及姚夔師百官伏文華門號哭  
不起聲聞於內 上感動太后亦悟宣諭曰卿等議

慈懿太后合祔陵廟固朕素志但於聖母有妨故未  
即允朕心終不自安再三據禮祈請聖慈開論特賜  
允諾卿等共如前議施行百官懽呼而退以旱災免  
江西秋糧二百八十八萬六千三百餘石七月上慈  
懿皇太后尊諡曰孝莊睿皇后九月彗星見掃三台  
彭時乞休不允疏請備省目及貴妃萬氏專寵學士  
萬安認為同宗竊弄朝政亟請罷斥優詔答之十月  
御史林誠劾輅不職目及景泰中易儲事輅求退

上曰朕用卿不短何恤人言欲謹謫誠輅奏言臣嘗  
勸陛下優容言官已荷嘉納如脩撰羅倫輩皆復  
收用今日論臣而斥責之如公論何乃釋誠復職十  
一月都御史項忠馬文升等督兵進攻石城擒反賊  
滿四等捷聞且止援師有勅獎諭石城賊復立平瀟  
遠官鎮撫火敬為主拒官軍項忠等復率兵悉殄之  
十二月定簡除保舉官貢例脩復運河壩閘

五年春論平滿四功擢劉玉左都督項忠右都御史

大監劉祥加歲祿罪失機等官任壽吳琮陳介俱謫  
戍兩廣劉清馮傑坐激變棄市三月正一嗣教大真  
人張元吉坐奸淫械繫至京下獄論死六月復御經  
筵視午朝

六年三月免河南糧三萬七千六百石有奇草四萬  
八千餘束免蘓松常鎮四府去年秋糧一十四萬八  
千餘石屯糧七千一百餘石免池州寧國去年秋糧  
一萬八千七百餘石宣州衛屯糧二百六十餘石四

月以水災免漂水漂陽句容六合江浦當塗蕪湖七  
縣糧稅共三萬七十四百餘石京畿大水命右都御  
史項忠巡視順天河間永平三府忠多劾官廩又設  
勸法得米十六萬石銀布牛俱各萬餘所活三十  
萬人六科給事諫建西山佛閣詔止之七月皇太子  
皇妃紀氏出紀氏尚在御侍上幸之有娠萬貴妃  
嘗掠頻死胎竟不墮上令託疾居安樂堂以瘖報  
而厲門官獲衛皇子生之乳太監張敏使侍女哺以

粉餉彌月西內廢后吳氏祔之以右副都御史王越  
總制延綏三邊軍務十月總督兩廣韓雍等奏斷藤  
峽殘賊二百餘徒燒毀電白縣治刑部覆奏張元吉  
行刑詔免死杖之百發肅州衛充軍以水災免保定  
等衛子粒二萬三百石以旱災免河南民田夏稅三  
十七萬七十七百石軍屯子粒八十六百石

七年正月京畿飢勅戶部發太倉粟一百萬斛賑濟  
糶以利民糶惟斗斗不許滿石飢者獲濟宜長夏

為制以水災免福建稅糧一萬五百餘石襄陽賊李  
胡子作亂命右都御史項忠討平之九月置榆林衛  
以水災免直隸鳳陽府州縣夏稅麥九萬二千餘石  
絲九萬五千二百餘兩十月立皇子祐極為皇太子  
萬貴妃出尋患痘疹薨謚曰悼恭太子潘通惠河  
道十一月彗星見出天田入太微垣羣臣皆言君位  
懸隔情意不通請時召閣臣面議政務彭時力請久  
行內臣走內閣言曰上御殿召見厭煩瑣勿多言



有事俟再見可盡時等諾之至期召見時言天變可  
畏上曰已知卿等盡心辦事時又言昨准御史言  
減京官皂隸與俸文職尚可武官不免怨望上曰

卿即傳旨該部仍舊萬安遂叩頭呼萬歲時與商輅  
皆同聲叩頭命賜酒解而退自後不復召見諸內臣  
乃謂人曰諸閣老嘗言不得召見及見無一奇謀至

論止呼萬歲四言曰傳為萬歲閣老十二月大學士

彭時等曰彗星屢見進修德安民大要七事嘉納之

諭德謝一夔上頌慶五事禱職為民

八年正月星變免慶成宴以陝西左布政余干俊為  
右副都御史巡撫延綏七月北虜寇臨洮鞏昌巡撫  
都御史馬文升敗之追至黑水口擒其首領缺烈孫  
斬首數千級命黃勳劉三邊九月虜復寇常州深入  
固原及好水川文升檄召諸路兵暗伏湯羊嶺虜至  
遇伏驚遁盡棄輜重擒斬二百餘級因改其嶺為澤  
勝坡勒石紀功修澤善寺陞工匠三十人為文思院

副使寫碑官為尚寶司少卿工科給事中王詔等極諫不聽十二月以旱災免順德真定等府秋糧九萬七十餘石穀草二萬餘束綿花五十三萬餘觔

九年二月以災荒免湖廣武昌等府糧三十二萬餘石朝廷好寶玩有言宣德間王三保出使西洋所獲奇珍異貨無美上命中使至兵部查三保使西洋水程車駕司郎中劉大夏匿之不出科道官連章進諫事遂寢勅儒臣訂刻宗儒朱熹通鑑綱目六月延

經從鎮榆林十月閱武於內苑公侯以下皆騎射英  
圍公張懋三歲連中上大喜賜銀幣金帶遂命掌  
中軍都督府事提督五軍營十一月王越襲虜紅鹽  
池大破之賜勅獎諭十二月勅翰林儒臣修續資治  
通鑑併纂宗元綱目勅邊軍遇賊率衆對敵及衆寡  
不敵者所失利不罪其閉門坐視見賊反遁者乃坐  
失機

十年正月勅王越專居固原總督三邊諸鎮軍馬三

月起致仕右都御史林聰掌南京都察院事以水災  
免壽泗和三州霍丘等八縣去年秋糧三萬七十餘  
石鳳陽留守左等七衛子粒七十五百餘石以旱災  
免湖廣武昌等七府去年秋糧五十三萬五百餘石  
武昌衛州十一衛子粒二萬九千六百餘石八月命  
巡撫陝西都御史馬文升率民勦岷州叛番平之九  
月以水災免直隸吳江等一十四縣子粒共四十三  
萬四千六百石馬草一十六萬九千八百九十餘束

十一月復邨王帝跡勅論文武羣臣曰曩者朕叔邨  
王踐祚戡難保邦奠安宗社亦既有年屬寢疾彌留  
之際奸臣貪功生事妄興譏構請去帝跡先帝尋  
知誣枉深懷悔恨以次抵奸於法不幸上賓未及舉  
行朕嗣承大統一紀於茲敢念親用成先志其邨王  
可仍舊皇帝之號遂上尊謚曰恭仁康定景皇帝修  
其陵寢十二月罷湖廣寶慶等府縣淘金時內費日  
侈帑歲日匱乃命寶慶等府開金場淘煎巡撫等官

命所屬十二縣開二十一場歲役民夫五十五萬有奇僅得二十五兩巡撫等官奏工多金少徒害生民請有司取贓罰銀易金上供送之

十一年二月詔開河南宜陽等處銀洞申明酷刑之禁五月勅翰林院官定議皇子睿名以聞上親定其名曰佑榿皇十年長六歲外人不知乃因勅部擬名大臣始入賀上曰皇子既出何以處之商輅對曰皇上即位十年儲副未定天下人心屬望久矣

當立為太子 上曰即舉行乎對曰今天氣尚炎侯  
秋涼舉行 上曰然輅復曰皇子飢飽寒暖之節須  
勞聖慮 上曰朕知悉矣輅等退賜酒解於文華殿  
萬貴妃知之驚曰何獨不令我知道遂具服進賀厚賜  
紀氏擇吉日召皇子入昭德宮次日使紀氏於永壽  
宮中外慮之六月萬貴妃酖殺皇貴妃紀氏贈恭恪  
莊僖淑妃大學士商輅舉宗宸妃故事殯殮如禮七  
月朵顏三衛夷人請開馬市不許十一月冊立皇長



子為皇太子詔告天下

十二年三月陝西都御史余子俊奉詔議弭盜安民  
選將厲兵之策奏事宜七條下部議行之五月通惠  
河成七月京師黑肯見妖人李子龍伏誅十月朵顏  
三衛夷人復請開馬市不許勅邊臣防邊置饒平縣  
十一月續資治通鑑綱目成上製序并首十二月內  
旨開設鄭陽府

十三年正月贈先師籩豆樂舞之數日本入貢始設

西廠命太監汪直選錦衣衛官較百餘人刺大小事  
件方言俚諺悉採以聞三月商輅疏直十罪兵部尚  
書項忠偕九卿科道亦疏直及韋瑛過惡上怒草  
去西廠韋瑛謫戍宣府四月汪直復開西廠會御史  
戴縉以九年滿不得陞上言直所行皆公正不宜革  
直遂奉命仍坐廠縉亦驟進用歷陞都御史下項忠  
於獄幾死之五月巡撫陝西都御史余子俊定民山  
番叛賊克其四族斬首四百級捷聞賜勅獎勵拜兵

部尚書加太子太保論紅藍池撲虜功加王越太子  
太保仍掌院事十月復立哈察衛於苦峪谷以淮安  
鳳陽飢荒暫止徵脩用馬詔會舉將材十一月暹羅  
國來貢嚴文武乘輜之禁詔稽穀遼東屯田許朝鮮  
國市弓角

十四年三月皇太子出闕行冠禮詔簡儒臣充東宮  
官時東宮內官覃吉溫雅誠篤知大體通書史道太  
子以正言正事賜東宮五莊吉備曉以不當受曰天

下山河皆主所有何以莊為薛之上抗盜起詔高明  
為左僉都御史率兵討平之置永定縣於上抗谿南  
里八月戊申早朝東班官若聞有甲兵積者皆僻易  
不成列衛士露刃備不虞父始定莫知故已命班居  
下者百餘人跽午門踰時釋之因申明朝儀八事十  
一月始令翰林官習儀修南京樓殿十二月諭戶部  
臣曰今歲北直隸水災殊甚聞紫荆關水門被水閘  
流至涿則人民木稼災困可知有田畝應免者悉免

之申在外武官私役軍士禁稅

十五年三月免荆襄德安府衛夏秋糧三十三萬三千石六月逮遼東總督馬文升下獄謫戍四川八月命浙江叅議張敷華身蒞賊巢曉諭礦賊皆降十月命汪直監督軍務撫寧侯朱永佩征虜將軍印克總兵官討建州夷巡撫遼東右副都御史陳鉞贊其軍復命朝鮮國王李婁出兵夾擊之十一月朱永襲敗建州夷十二月封朱永保國公加汪直食米歲三十六

石陞陳鉞右都御史冒功陞者千九百人賞者千五百四人

十六年正月禁雲南邊軍交通外夷命太監汪直監督軍務兵部尚書王越提督軍務保國公朱永佩乘虜將軍印充總兵官率京軍萬人赴延綏禦虜參將等官皆令直推舉二月詔天下學校孔子廟庭所在凡過門者皆下馬汪直王越襲破虜於威寧海子奏捷乞班師許之加汪直歲米四十八石封王越威寧

伯仍以太子太保兼都御史掌印提督團營如故六月禁貴戚世家侵占民田巡按遼東御史孫珍奏建州班師亡何虜即回入鞏陽清河殺掠男婦五百餘人頭畜無筭寔錄前巡撫都御史起釁邀功致其報復諸守將不能禦却之又畏罪貪功隱匿不聞直待朝廷論功之後始以入奏請遣問欺罔用正厥罪兵部尚書余子俊覆奏引皇明祖訓忝鉞累犯死罪不宜再縱當從珍言上命守將吳璜崔勝戴罪殺賊

鎮守太監常朗停歲俸半年總兵縱謙與錢各停俸  
一年餘皆屬珍逮問之兵科給事中吳原御史許進  
亦論初常朗等冒功匿罪雖已停俸尚宜重處因醜  
詆陳錢上曰是業處分姑已之已汪直自遼東還  
奏珍行事乖方所叅被虜人畜皆妄請治其欺罔命  
錦衣衛十戶蕭聚住勘若不寔即械京鞠之七月遂  
自言以求進者申明存卹孤老之令蕭聚至遼東不  
行勘驗但械珍以來汪直先執珍拷掠之然後奏聞



命會官廷鞠坐奏事不寔贖杖還職內批謫戍遼東  
十一月以旱災免順德府所屬九縣秋糧一萬八百  
石有奇草一十九萬餘束十二月命汪直同太監傅  
恭劉恒於神機營把總仍提督十二營虜入大同命  
直與越永等監京軍往擊之

十七年正月西域進獅子至嘉峪關奏請大臣迎接  
職方郎中陸容言獅子固奇獸然在郊廟不可以為  
犧牲在乘輿不可以備駉服無用之物不宜受禮部

尚書周洪謨亦言不當遣官迎接乃遣內臣迎之二  
月初十日南京及江北四府山東河南等府州縣俱  
同日地震有聲三月以水旱霜雹等災免山西太原  
等府州衛去年夏稅七萬三千四百石秋糧四十萬  
一十九百石草八十萬五千三百九十束汪直報大  
同提選獻俘加直歲米三百石永世襲爵越加陞太  
平太傅歲增祿四百石仍提督團營雁一斗錦衣百  
戶七月命汪直總督軍務王越佩平胡將軍印統京

營兵不道勦虜所在鎮守總兵巡撫等官聽節制不  
遵禁令者以軍法從事十一月汪直奏至宣府分守  
要害虜知有備遁去近邊無烽火乞班師上曰冬  
月正宜提備十二月命王越佩征西將軍印鎮守大  
同仍與汪直提督京營宣府右路軍馬

十八年三月賑濟蕪松淮揚山西大同飢民罷西廠  
勒兵部尚書陳鑑致仕六月虜寇延綏河西清水營  
等處邊將分兵禦之有斬獲論功行賞命雲南布政

司歲祭故學士王禕祠八月久雨衛漳漳沱等河漲  
溢運河口岸多決河南城署廬舍壞人畜死亡不可  
勝計

十九年正月祀故南京吏部尚書魏驥於縣之德惠  
祠以配宗令楊時二月贈大理寺丞鍾同子越官  
勅有司月給同妻米三月禁挾家中盜以侵商利四  
月巡撫陝西都御史阮勣奏岐山有周公廟咸陽有  
周公墓沔有諱葛光鳳翔有范仲淹藍田有呂大忠

石匱書

卷八

憲宗本紀

十九 鳳鳴堂

大臨大鈞祠竝歲久淪毀乞脩治賜祭 上從之五  
月減浙江銀課三之一鎮守大同太監汪直馳奏虜  
將犯邊請其所統達官頭目都督深等千一百人兼  
程赴援以兵部尚書張鵬等議時方盛暑師難久戍  
勿許六月調汪直於南京御馬監八月虜復犯邊巡  
撫宣府都御史秦紘總兵官周玉指揮孫成等擊虜  
勝之賜獎勅降南京御馬監太監汪直為奉御除威  
寧伯王越名編管安陸州錦衣衛指揮吳綬戍邊兵

部尚書陳鉞工部尚書戴縉侍郎張願並除名為民  
復馬文升張珍項忠職予致仕九月妖人王臣伏誅  
授吏部聽選監生陳獻章為翰林簡討許歸養十月  
召朱永還命右副都御史程宗巡撫雲南封都督趙  
勝為昌寧伯傳陞僧錄司繼曉為左善世惠昇為右  
善世十二月吏科給事王瑞等言傳奉得官者幾十  
餘人一時名器冒濫已極伏望 皇上一清仕路以  
肅朝綱 上是之

二十年正月京師及永平宣府大同遼東同日地震  
宣府裂湧泉天壽山寨雲古北口居庸關一帶城垣  
墩臺驛堡多潰裂人有壓死者東廠行事司禮監太  
監尚銘有罪押赴南京守備太監杖三百充淨軍種  
菜孝陵四月立殫忠效義二營選閱京衛舍人餘丁  
聽調遣御史十員清閱南畿及浙江等逃亡軍役建  
宗儒陸九淵兄弟蒙山書院於貴溪縣歲一祭五月  
起馬文升為左副都御史巡撫遼東九月巡撫都御

史葉洪奏山西連年災傷平陽一府逃移者五萬八  
千七百餘戶內西邑猗氏西縣飢餓死男婦六十七  
百餘口蒲解等州臨晉等縣餓殍盈途不可數計父  
棄其子夫賣其妻甚有全家聚哭投河而死者棄子  
女而井而逃者雖嘗設法勸借加意撫卹其柁散給  
不周乞發太倉銀備賑 上曰山西凶荒民莫必命  
覽奏深用惻然其並發京庫銀三萬齎付洪賑之十  
月給空名度牒一萬紙分送山陝令募民願為僧道



者令詣被災處輸粟十石給度之刑部員外郎林俊  
極論僧繼曉太監梁芳罪下錦衣具獄杖而降為州  
判官後軍都督府經歷張黼疏救亦逮獄調之給宛  
平大興二縣貧民布五千五百疋有奇命寧夏甘肅  
榆林鎮守等官加意安撫流民十一月朵顏衛都督  
阿兒乞蠻遣其弟影克字羅送所獲北虜生口兵部  
審係牧虜上曰夷虜收放為生追逐水草其常事  
何罪之足誅其編戍之賞字羅以慰其勞論三衛貢

與母得貪掠啓遣通玄翔教廣善國師繼曉乞煇養  
母許之詔母終供職如故萬全右衛百戶常瑛有罪  
伏誅總督大同宣府軍務戶部尚書余干俊言虜已  
遠遁請班師以省儲費命太監張善定西侯蔣琬悉  
統京軍還京子俊督晉總督令冬末具奏而還運河  
南兌軍糧三萬五千石於山西救荒十二月預度天  
下僧道六萬人以救山陝飢命工部侍郎杜謙修濬  
運河命戶部侍郎李衍理陝西邊儲以備虜詔開中

兩浙鹽課以給三邊發江南折糧銀十五萬兩并閩  
中兩淮山東四川鹽課二百萬引於陝西榆林等處  
以給邊儲命有司歲祭故廣東巡撫都御史楊信民  
祠

二十一年正月甲申朔申刻有火光自中天少西下  
墜化白氣復曲折上騰其聲如雷踰時西方復有流  
星如碗大赤色自中天西行近濁尾跡化白氣曲  
如蛇形墜正西轟如雷震地頃更止勅曰上天垂

戒災異迭見歲暮及今正旦星變有聲如雷朕甚驚  
懼爾文武百官其指陳國家生民利病朕采行之復  
林俊為刑部員外郎張黼為南京左軍都督府經歷  
降李汝省上林苑監左監丞鄧常恩本寺：丞繼曉  
革去國師為民追奪誥敕巡按山西御史周洪奏翼  
城絳陽城垣曲等縣飢民嘯聚為盜請發兵捕之

上曰民迫飢寒朕甚憫焉其令鎮守巡撫等官宣布  
朝廷德意如再執迷不服然後相機勦除勅總督漢

西軍餉戶部侍郎李衍兼理賑濟戶部郎中張禎主  
事吳紀佐之刑部侍郎何喬新往山西工部侍郎賈  
俊往河南吏部郎中吳張等十三人佐之付以京庫  
銀二十五萬四月以山陝飢甚廣開納中鹽例

二十二年正月勅河南按察僉事傅希說兼理鳳陽  
等府賑濟飢民二月詔移河南開封府存留米十二  
萬石於陝西六萬三千石於河南府賑飢五月下翰  
林侍講尹龍獄除名為民罷吏部尚書尹旻以工部

尚書李裕代之九月南京兵部尚書王恕上言去年  
星變革除傳奉諸官復多黃緣進用政令不信何以  
示人語多激切忤旨令恕致仕工部主事王純言恕  
社稷大臣不宜輕棄下純詔獄謫思南判官遂改兵  
部尚書馬文升於南京以代恕羅大同巡撫余干俊  
干俊在大同修邊牆設亭徼工程已見次第論者劾  
其糜財病民令致仕以忤太監常卷遣廣東左布政  
陳選卒於道故吏張繫上書訟選寬不報十二月復

台余平俊為兵部尚書

二十三年正月國子生虎臣上疏諫萬歲山句架棕  
棚遊之命吏部特選臣知縣萬貴妃卒築天壽山五  
川庶吉士鄧智上欽崇天道疏規切時政不報七月  
追謚大理寺丞鍾同曰恭愍八月庚辰上不豫命  
皇太子暫視朝於文華殿夜金星犯亢宿上大漸  
台皇太子至命早嗣大統以祖宗為法太子稽首  
受命己丑上崩九月上尊謚曰純皇帝廟號憲宗

十二月葬茂陵

石匱書曰 憲廟有聖政二曲 巡禮官言錢皇后得  
祔太廟一也 追復 景帝位號二也 於乎不可復得  
矣

又曰 旱乾水溢 何代無之 成化年間 以水旱歲免秋  
糧幾什百萬 免馬草亦幾什百萬 不為不多矣 然攷  
之本紀 韓雍項忠 每歲出師 必獲奇捷 軍儲未嘗告  
乏 則又何邪 然則今之預徵三四年 猶言不足者 是



豈能上又豈能下也哉